

Sakspapir

Sakshandsamar	Arkiv	ArkivsakID
Stine Storemark Nordby	FE-150	23/279

Saksnr	Utval	Type	Dato
073/23	Formannskapet	PS	28.11.2023
	Kommunestyret	PS	

Betalingssatsar SFO 2024

Saksutgreiing:

Saksopplysningar

Skulefritidsordninga (SFO) er eit ikkje-pedagogisk tilbod før og etter skuletid til born frå 1. til 4. klasse, og for born med spesielle behov frå 1. til 7. klasse. SFO skal leggja til rette for leik, kultur og fritidsaktivitetar med utgangspunkt i alder, funksjonsnivå og interesser hjå borna, samt gje borna omsorg og tilsyn.

Skulefritidsordninga ved Fedje skule har ope i skuletida og i skuleferiane, men er stengt tre veker i sommarferien, noko som er vanleg i dei fleste kommunar. Det er ikkje eit lovkrav at SFO skal vera ope i skuleferiane.

SFO har ikkje fast opptak, og føresette kan søkje plass/melde endring av plass gjennom heile året. Ein betalar for tal dagar for veka ein har søkt om ved opptak. For SFO vert ein fakturert 11 månader i året. Det blir ikkje sendt ut faktura i juli månad. Det er i tillegg mogeleg å kjøpe plass for einskild dagar, dersom det er plass og det ikkje fører til behov for auka bemanning.

Utdanningsdirektoratet har fastsett tre moderasjonsordningar i SFO:

- Redusert foreldrebetaling grunna låg inntekt. Foreldrebetalinga per born skal utgjere maksimalt seks prosent av inntekta til hushaldninga .
- Gratis SFO for elevar med særskilde behov på 5.-7.trinn
- 12 timar gratis SFO for elevar på 1.trinn og 2.trinn. Ved skulefritidsordninga ved Fedje skule utgjer denne ordning tre gratis dagar per veke. For skuleåret 23/24 er om lag 40% av elevane på SFO på 1.-2.trinn.

Fedje kommune har vedteke at det vert gjeve søskenmoderasjon på 30% for born nr 2 og 50% for born nr 3. Fedje kommune, ved kommunedirektør, kan ilegga gebyr når borna ikkje vert henta til avtalt tid. Gebyret vert lagt til for kvar påbyrja halvtime.

Der er varierende kor mange som nyttar skulefritidsordninga, og kva tilbod som vert valt av dei føresette. Likevel ser vi ei auke i tal born på SFO frå 2022 til 2023 med 5 born.

Vurdering

Den kommunale deflatoren er ein indeks som fangar opp lønns- og prisvekst for Fedje kommune kommunesektoren, som for 2024 er anslått til å vera 4,3 %.

Prisane på SFO vert difor justert opp med 4,3 %, og runda av.

Økonomi: Inntektene vil variere etter kor mange som nyttar seg av tilbodet. Lønsutgifter til personalet vil variere etter storleiken på elevgruppa.

Konklusjon

Nye satsar for SFO vert med verknad frå 01.01.2024 slik:

	2022	2023	2024
1 dag	545,-	565,-	589,-
2 dagar	1090,-	1130,-	1179,-
3 dagar	1635,-	1695,-	1768,-
4 dagar	2180,-	2260,-	2357,-
5 dagar	2725,-	2825,-	2946,-
Kjøp av ekstra dag	215,-	220,-	230,-

Forslag til vedtak:

Nye satsar for SFO vert med verknad frå 01.01.2024 slik:

1	dag	kr.	589,00
2	dagar	kr.	1179,00
3	dagar	kr.	1768,00
4	dagar	kr.	2357,00
5	dagar	kr.	2946,00

Kjøp av ekstra dag kr. 230,00